

# Scheibenschlagen

2022

---

Nachname Vorname

Löschgruppe Graf-Gurnau

---

## **Grafer Kapelle /**

Liabe Leit, heint mecht mar enk olla schia begrießa,  
wos d'rnoch iatz kimmt, sell kuan verdrießa.  
Noch oltem Brauch tia mar ou Böller schiaßa.  
A Verübl, dös war ins gor it recht,  
a Hetz muaß sei, wega dem tia mar's decht.  
D'Fuirwehr tuat enk in dr Noat olli halfa,  
drum seits it beas und lot'sas galta.

Die earscht Scheiba, die hella,  
keart dr Grafer Kapella.  
Daß dr hl. Johannes von Nepamuk weiterhin über ins wocht,  
und in dr letschta Stund für olla a Fürsproch mocht.

Da Böller hobts keart, iatz gia mar's on,  
zearscht keima huir d'Gurnauer dron.

## **Benedikt Franz - Bürgermeister /**

Iatz mehta mar zerscht a schiena Raketa und Böller schießa,  
weil mir kenna inern nuia Bürgermeister beim Scheibaschloga begrießa !  
Benedikt Fanz hot 60% der Wählerstimma kriagt,  
und dafür die Scheiba iatz bsunders weit ochafliagt.  
Deine Bürgerliste hot 7 Mandate errunga,  
do hobat's sicher gfeiert und gsunga.  
Es bringt's frische Wind in die Gemeindepolitik, deas isch e klohr  
mir winscha dir viel Glück und Erfolg als Bürgermaschter im huiriga Johr!

## **Thöni Maria / Gurnau 115a**

Dr Maria tia mar die nächste Scheiba schiassa,  
Hoffentlich tuasch nit z'viel um Gurnau verdrießa.  
In dr Stonzerleita tian sie drs aber richtig fein mocha,  
ma sicht die mit der Sunna um die Wette locha.  
Aber uam mal kanntsch die ruhig wieder nach Gurnau draua,  
Oder zumindest beim Scheibaschloga auf a Kiachli vorbei schaua.  
Mir hoffa dir geat's do dausa soweit richtg guat,  
und houla dei Scheiba aus dr Gluat!!

**Fam Juen Klaus Anna / Gurnau 115b**

Vom Klaus kenna mar huira berichta,  
er tuat a Gartahäulsi hinterm Haus errichta.  
Da fühlt er sich wohl und braucht it schwitza  
gmiatlich sei Zeitung lesa und kann im Schotta sitza.  
Mir winscha enk Gsundheit fürwahr,  
a Rakete iatz aua steigt --eh klar.

**Watzdorf Ramona / Gurnau 115b/Top3**

Für 'd Ramona tia miar zearscht an Böller schießa,  
und in Gurnau beim Scheibaschloga erschtmalig begrießa.  
Dei Scheiba tiar mar weit übern Bichl ochatreiba.  
und hoffa mir hoba s'negscht Johr mia über die zum Schreiba.

**Autohaus Maschler / Gurnau**

Willsch a guats Auto koufa  
muasch zum Maschler nach Gurnau loufa.  
Seat, Miitsubishi, Fiat oder MG deas tat ins schua interessiera  
deas ua oder ondere Auto wera miaßa vorreseviera.  
D'Fuirwerhr winscht enk dass deas Geschäft guat floriet,  
und neba dr Scheiba iaz no an Böller krepieret.

**Siegele Ruth / Gurnau 114b**

Der Ruth wünsch mar für Huira viel Gsundheit und a feine Zeit,  
und hoffa du hebsch dei Handy für nuie Nachrichta alli bereit.  
Auf WhatsApp kann ma dir nix vor macha,  
und du verwaltesch für die Angelika die wichtiga Sacha.  
A Scheiba fliagt außa für die ganz weit,  
bis zum negschta Schloga wünsch mar dar a schiane Zeit.

**Siegele Angelika & Wiedenegger Christian / Gurnau 114b**

Der Geli mecht mar iatz amal a groasses dankschian saga,  
und dafür a Scheiba weit aussa jaga.  
Bei der Wassergenossenschaft isch die Geli alli fleissig beim mitschreiba,  
damit bei denen Behörden nix im dunkla tuat bleiba.  
Der Christian weard derweil guat aufn Jakob schaua,  
und da drauf kann ma gwies vertraua.  
An Böller lass mar für enk iatz ou nou uan gian,  
und hoffa eas bleibats nou a Zeitli am Glühweinstand stian.

**Juen Paula / Gurnau 112/Top 1**

Dia Scheiba lossa miar iatz aussisinga,  
dia sett d'r Paula weiterhin Gsundheit bringa.  
Uans miassa miar schua amol sogä,  
miar freia ins olli, wenn miar kenna d'r Paula Scheibe schloga.

**Fam Juen Hubert Erika / Gurnau 112/Top 2**

Dr Hubert hot sich an nuis Auto kouft,  
obwohl der Alte no gut louft.  
Des Argument dafür war glei gfunda,  
denn iatz kann er mit'm Hänger fahra seine Runda.  
Allrad und mehr Gwicht  
isch bei seiner Ranch uanfach Pflicht.  
Im Winter hot dr Hubert eppas nuis probiert  
und auf sein Mähtrack Ketta montiert.  
Mit ara Trucha tuat er den Schnee verfiera.  
iatz braucht Erika numma so schaufla und friera.  
Dass enk im huiriga Johr tuat alls gelinga  
loss miar iatz enk no an Böller aua singa.

**Juen Johannes / Gurnau 112/Top 2**

Dr Johannes bleibt seiner Linie treu  
geht nit viel aus`m Haus außer auf die Arbeit und im Summer mit ins Heu.  
Arbeiten geht er Jahr ein Jahr aus,  
im Höllroah kocht er für jeden Gast an Gaumenschmaus.  
Gesundheitlich weiterhin allerbest,  
die Scheiba soll glüha und zwar fest.

**Juen Anna-Lena / Graf130a/Top3**

Dr Lena mechta mar zum Neuen Job gratulieren  
In dr Lebenshilfe tuasch die als Freizeitassistenz sehr engagieren.  
Mit`m Benni in Graf hasch es hoffentlich no schia,  
ma sieht die mol alli fleißig in Urlaub gian.  
Ob Mädels-tripp oder Urlaub mit`m Schatz,  
für die wichtigen Sachen hosch in deinem Leben sichtlich Platz  
Für enk 2 lassa mar no a Rakete singa  
sodas mar a Scheiba aus dar Gluat bringa.

**Fam Schmid Helmut Linde / Gurnau 115/ Top1**

Von der Linda und dem Helmut, dean Böller hobats g'heart  
Den hoba miar g'schossa, weil voar dena Haus seit Herbst a nuis Auto steahrt.  
Dazua tian mar ou gratuliera und sall war decht zum locha  
iatz wearsch mit d'r Frau öfter manch's Fahrtli mocha.  
Oder hot den BMW dir eppa d' Linde zum Geburtstog spendiert ?  
Zum 80 iger tian mar olla recht herzlich gratuliera,  
bleib weiter agil und g'sund und dafür sett ou nou a Raketa marschiera.

**Fam Schmid Harald Angelika / Gurnau 115/ Top2**

D'r Harry hat sein Caddy verbaut,  
do hoba manchi Bastler lei mia bled g'schaut.  
A Mini Wohnmobil isch draus gwora,  
do kann er iatz durch Europa bohra.  
Schlofa, Kaffee sieda, Picknicka und sinsch an Haufa Socha,  
konn der Harry iatz mit seim Caddy mocha.  
Bei oller Raffinessa und sall war decht g'locht,  
hot er neba dem Bett ou nou s'Radli unterbrocht.  
Hoffentli losch dir deas patentiera,  
miar lossa d'r zua auf olli Fäll a Raketa marschiera.

**Schmid Daniel / Gurnau 115/ Top2**

Fleißig wie mir da Daniel kenna,  
sieht ma ihn mit der besten Touren Ausrüstung den Berg aua renna.  
Dabei uan Berg nachm andera gia,  
auf den Fotos noch a lässig neibam Gipfelkreiz stia.  
Zum Essa hat er ou olli was dabei,  
Nach der Anstrengung muass des schua sei.  
Lei bei der Verpackung tuat er geara spora,  
ma sicht ihn olli mit der Jausebox vom Bua uma fohra.  
Vielleicht tuat dir der Snoopy ou sou guat tauga,  
aber langsam wearsch dr miassa um a eigene schauga.  
Weil momentan braucht dr Julius dia no nit,  
Aber bis in uam Jahr nimmt er sie selber in Kindergorta mit.  
Ab noch a muasch dr wircklich a eigene zua leiga,  
Iatz wear mar die Scheiba nou weit ausa heiba.

**Schmid Thomas & Juen Steffi / Gurnau 115/ Top2**

Iatz wella mar zearscht amol d' Steffi aus Strengen bei ins begrießa  
und tian ihr an Böller schießa.

Als Lehrerin isch sie in Landeck und Kauns bekannt  
und schupft im 2.Stock mit'm Thomas den Haushalt Hand in Hand.

Dr Thomas isch als Sports Kanone überall bekannt,  
fohrt auf seine Ski quer durch' s Land.

Ou in der Loipe draht er fleißig seine Runda,  
ou für' n Summer hat er endlich was passendes gfunda.

Des Rennrad fohra hat ihm super taugt,  
drum hat er sich um a gebrauchtes umgeschaut.

A ganzes Jahr hat er nach ma passenden gsuaucht,  
Z' groß oder z' tuir - des war wia verfluacht.

In der Schupfa hat er vor kurzem a super Radl entdeckt,  
Dein Votr hatts da vor dir versteckt.

Seit dem sicht ma ihn mit Harrys Radl uma fohra,  
Damit losst sich des Geld für was anderes spora.

Zum Schluss wella mir dir nou zum 30er gratuliera,  
Er sell dir decht des Radl zum runda spendiera.

**Fam Grießer Hubert Rosmarie / Gurnau 112a**

Im Schloss isch d'Rosi voll integriert  
und beim Thema über d' Schwabakinder voll intrressiert.

In dem Job gibt's olli wiedr nuis zum tian,  
nit nu im Schloss,si muaß ou auf Dienstreise bis noch Wian.

A Einlodung zur Barbara Karlich Show kriagt ma nit olle Tog,  
do isch di Rosi glei dabei, des isch kua Frog.

Si fohrt auf Wian und nimmt ou di Elisabeth und da Theo mit,  
weil so an Städtetripp des isch an Hit.

Si isch schua in Wian, do kimmt di Nachricht, si kann's foscht nit globa,  
di Barbara Karlich hot Corona, di Show weart verschoba.

Aber aufgeschoben isch nit aufgehoben, isch jo eh gonz schian,  
fohrsch hold a zwoates Moll zum ORF noch Wian.

Der Böller mocht iatz an mords Knoll,  
dia Sendung mecht mar nocha nicht versauma, auf kuan Foll.

**Fam Scheiber Helmut Martha / Gurnau 112b**

D' Martha denkt sich, iatz will I amol Urlaub mocha  
und so packt sie zom ihre sieba Socha.  
Dr Helli wird schua den Haushalt schmeißa  
Mit dr Gitti, ihr Schwester, tuat sie nach Italien reisa.  
In Ischia tunkts dena zwoa recht fein.  
entspanna bei am Glasa Wein.  
An großer Umbau vom Haus steht huira an, dass deas gelingt  
die Schweiba iatz weit außa schwingt.

**Scheiber Robert / Graf 125/Top 4**

Wenn der Robi nit tuat im Fels umahänga,  
steht er flott am Schi oder fangt seine Henna!  
Sogar zwoa Kotzen hot er iatz dahoam  
die Kloane wild, aber die Groaße schu zahm.  
Für so viel Tierlaib tian ma di loba  
und schiaßa a Raketa ganz noch oba.  
A groaße Arbeit hosch ah no zum mocha,  
denn beim Hausumbau lassesch es anständig krocha.  
Wir wünsch dir Glück, Geduld und viele fleissige Händ,  
damit der Umbau guat rennt!  
Iatz hat mas fascht vergessa, Hasenzüchter willsch oh no weara,  
nocha kenna ma nur hoffa, dass sich die Kanikel richtig gut vermehra.  
An Bledsinn hasch huira oa gmacht,  
da hama richtig viel glacht.  
Lei den kenn ma nit schreiba,  
weil da tian mas ja ziemlich übertreiba.  
Robi holsch aussu dia Scheiba aus der Gluat  
und nochm Schwinga,  
lass sie no weit aussu singa.

**Scheiber Peter / Gurnau 112b**

Mir sein schua soweit beim Scheibaschloga,  
iatz miass ma was zum Peter sogal!  
Wenn man brauchta isch er olli bei der Fuerwehr,  
doch wia sell mas sogal,  
iatz weard er familiär.  
A Heisli will er glei amol anfonga baua,  
zu zwoat tuat des glei amol ondersch ausschaul!  
Aus Arbeitsraum weard Kleiderschrank,  
dem Zahltag der Bahn sei Dank!  
Da Peter muasch oanfach stella dein Mann,  
als Bauherr weard dir da Angst und Bang.  
Da homa koan Kummer du wearsch dies schu mocha  
und dafür lass ma an Böller krocha!  
Sportlich aktiv auf Berg und Radl,  
wir wünscha dir s` Best für di und die Madl!  
Iatz sein ma fertig mit inserm Schreiba,  
drum tian ma iatz a Scheiba weit auss treiba!

**Scheiber Markus / Gurnau 112b**

Dr Markus haltet sich geara auf die Berg douba fit,  
ab und zua geat ou die Sonja mit.  
Lei huira hatts an speziella Grund dafür geiba,  
du wolltesch nämlich um ihr Hand anheiba.  
JA - dia Antwort wor woll klar,  
Ob des nit lei die Höhenluft war??  
Ou sinsch hosch nou so einiges erlebt,  
Interessant wia lang dei altes Auto sou beieinander hebt.  
Den uan oder ondera Aufprall hattsch dr sella spora,  
zum Schluss bisch lei mia auf uanr Zindkerza gfohra.  
Es nutzt nuit mia- es muass endgültig a nuis Auto hea,  
am liabsta uans sou weiss wia Schnea.  
Uan „SUV“ setts laut Sonja sei,  
und an Allrad war grood ou noou fei.  
Nach langem hin und her hobat´ s enk jz an Tiguan kouft,  
Mir hoffa dass der wieder so lang wia dr alte louft.  
Mir wella enk nou zur Verlobung gratuliera,  
dazua tia mar enk a Rakeita spendiera!!

**Scheiber Michael / Gurnau 112b**

Dr Michael mecht wieder mal Internationale Erfahrungen mocha,  
so sieht ma ihn momentan aus der USA her locha.  
In Minneapolis am Mississippi will er seine Masterarbeit unter Dach und Fach  
bringa,  
mir sein uns sicher dir wird des locker gelinga.  
Gesundheitlich tuat dar Michael guat auf sich schaua,  
Sportlich tuat er sich ou allerhand zua traua.  
Egal was er in Angriff nimmt der Bua,  
er macht bei allem a guate Figur.  
A Scheiba lass mar fliega und an Böller krocha,  
für die Reis nur die besten Socha.

**Fam Rainalter Eckhardt Hella / Gurnau 136**

Beim Ekki hoffa mar dass es ihm iatz bald amol wieder besser geat,  
und er numma so schief in der Wiesa steat.  
Sei Knia hat er huira operiert,  
drum war er a Zeitli toll lediert.  
Die Hella hat dazwisch a fleissig aufn Ekki guat gschaut,  
und auf a schnelle Besserung vertraut.  
Durch deas viele spaziera gian hasch es sicher besser gmocht,  
und mir hoffa dass es iatz in deem Knia numma so laut krocht.  
Auf dass Huira alles wieder oardentli verhoalt,  
die Fuiwehr iatz mit dir a Scheiba toalt.

**Huber Gabi / Gurnau 137**

Die Gabi well mar huira nit mit am hetziga Sprichla ploga,  
deas tian mar liaber auf nägschtes Jahr vertoga.  
Dem Hans-Robert mecht di Fuiwehr huira "Pfiat di" sog a,  
und in allen Ehren a Raketa in Himmel au jaga.  
Liebe Gabi, mir hoffa es geat dir guat,  
und die nägschte Scheiba hohl mar für di aus der Gluat.

**Fam Schütz Egon Sissi / Gurnau 143**

Dar Egon hat die Zeit allua richtig gnutzt,  
er hat sich denkt bis die Sissi aus der Reha zruggkimmt muss des Bad sein wie  
neu putzt.

Mit dem alten Bad muaß sich was ändern und zwar gleich,  
drum hat er mocha lassa draus an altersgerechten Wellnessbereich.  
Zum Glück gibts dafür a Förderung vom Land,  
so spielt des Bad iatz alle Stickla samt ma großen Heizkörper in dr Wand.  
A Trampolin für die Enkel des isch fein,  
guat war wenn`s nach`m Summer isch im Haus drein.  
Doch des Trampolin isch z' groß und des Haus einfach zu klein,  
es gibt kuan Platz es passt nit rein.  
So bleibts wo's isch nach langem hin und hea,  
Hoffentlich gibt's des Jahr nit allzu viel Schnea.  
Gesundheitlich wünsch mir enk es Allerbest,  
A Scheiba schloga mar weit ausa und zwar fescht.

**Schütz Florian / Gurnau 143**

Florian und Christa kenn ma zum Nachwuchs gratuliera  
und so lass ma für die Linda a Raketa aui maschiera.  
Liabe Leit i muass enk was sogä,  
dass ma huira vom Florian des letschte Mal dia Scheiba übern Bichl auchä troga!  
Zum Sprichla schreiba tat ma ins schua ni gera ploga,  
aber di hots holt noch Lans verschloga.  
Schian war die Zeit, dia well ma nit missa  
und so wear ma di gonz fescht vermissa!!  
Für die Zukunft wünsch me ank s` Bescht  
und lossa an Böller krocha gonz fescht!

**Fam Larcher Peter Margret / Gurnau 138**

Der Margret miass mar iatz amal recht sakrisch danka,  
weil in letschter Zeit isch sie ganz fleissig mitm Essa am Weg zu die Kranka.  
Beim Roata Kreuz isch deas Personal allaweil toll knapp,  
drum loaft da it alli alles ganz glatt.  
Wenn di Margret da it alli aushalfa tat,  
war`s z` Mittag bei viela ältera Leit toll faad.  
Der Peter hebt dahuam derweil alles beim loafa,  
und geat sich dafür beim Handl an Fleischkaas koafa.  
Und wenn er dahuam nuit mia findet um sich zu motiviera,  
geat er uanfach vom Charly die Garage abmontiera.  
Damit du dir huira kua Brennholz koafa muasch,  
wissa mir genau was mit dera Garage iatz tuasch.  
Mir wünsche enk iatz s`allerbescht  
und schieße no a Raketa aua zletscht.

**Fam Larcher Mathias u. Simone / Gurnau 138a**

Am Mathias mehta mar als erstes mal Vergelt`s gott sogä,  
weil du tuasch die mit viel Engagement für uns alla ploga  
Das des nit immer uinfach isch des kenna mar ins alle denka,  
aber du tuasch die Geschäfte mit viel Gschick lenka.  
An Wohnwagen für'n Sommer Urlaub isch sicher schian,  
es größte Problem war nur wo soll der im Winter stiah.  
Nach langem hin und her hat sich doch was ergeiba,  
beim Nachbar in dar Garage wert der sicher long heiba.  
Viel Glück und Gesundheit mehta mir enk no sogä,  
und wera a Scheiba weit außi schloga.

**Vogt Irene / Gurnau 141**

Die Irene tuat der Herta fleißig zu Hand gian,  
ma sicht sie im Summer olli im Gorta stian.  
Wo sie behutsam auf die Plonza schaut,  
deneben so einige Kräuter onbaut.  
Ums Haus uma erledigt sie sinsch nou so allerlei,  
ou beim spaziera isch sie olli dabei.  
Nachm inkoufa sicht ma sie des Zuig vom Bus ins Haus aua troga,  
Auf des wear mar iats die Scheiba nou weit oa schloga.

**Vogt Herta / Gurnau 141**

Die Herta schaut in letschter zeit in Telfs so geara vorbei,  
da gibts zum derleaba Allerlei.

An gscheiter Saunagang keart bei so am anstrengenden Ausflug ou dazua,  
sinsch hatt dia arme Seela kua Rua.

A gsunde Sach sell deas ja anscheinend ou nou sein,  
mir hoffa du machsch es dir dabei fein.

Im negschta Johr heara mar vielleicht nuie Gschichta,  
na kenna mar vu enk viel mia berichta.

**Fam Schultes Hubert Brigitte / Gurnau 139**

Dem Hubert und der Gitti haba mir letschtes Jahr deas falsche Sprichla  
gschriebe,

deas isch it lang verboargen blieba.

Mir hoffa mir reissa es Huira dafür wieder ausa,  
sinsch hatt mar glatt vorm kassiera gian an Graussa.

Mir hoffa enk hat`s huira guat,  
und hohla enk die schianschte Scheiba aus der Gluat.

**Fam Marth Edmund Helene / Gurnau 140**

Mit deara Scheiba isch iatz der Edi und d'Helene dron  
Wo man schwar eppas schreiba kann.

D'r Edi draht oft mit der Helene seini Runda,  
und ou i,m Paznaun verbringa sie mit d' Enkel viele Stunda.

Dös holtet jung ,dös kenna miar ou sogaa,  
drum tian miar zu Scheiba nou a Raketa auchajoga.

**Landerer Franz / Gurnau 142/Top 1**

An jeder, dear schua amol Schnaps brennt hat,  
woas, dass uan deas Hobby schwar wieder los lat.

Die Ruhe und die notwendige Genauigkeit,  
deas isch nix für alle Leit.

Dar Franz tuat deas geara und deas schmeckt ma o,  
deas isch halt echte Handarbeit no.

An guata Johrgang winscha miar,  
und knolla dar iatz a Scheiba vor d'Tiar.

**Fam Würthenberger Claudia u. Armin / Gurnau 142/Top 2**

Die Claudia und den Armin mecht mar bei ins heint begriassa,  
und tian amal a Raketa aua schiassa.  
Mir hoffa enk hats guat allaweil,  
und eas habats nit zu viel Langeweil.  
Mit der Elsa siecht ma den Armin alli beim Sport treiba,  
deas isch a schiane Art um mitnander am Weg zu bleiba.  
Deshalb tia mar enk die nächst Scheiba,  
ganz,ganz weit aussa treiba.

**Fam Öttl Wolfgang Christina / Gurnau 142b/Top 1**

Im Herbst und im Winter gibt's für viele an fixa Werkstatt Termin,  
die Reifen weara gwechselt, sinscht machsch dar lei s'Auto oder d'Roafa hin.  
Dar Wolfgang kann deas aber selber mocha,  
so an Roafawechsel darhuam isch kua Problem, sal war decht zum locha.  
Und nit nu die Roafa weara genau kontrolliert,  
in dem Zug weara ou die Felga auf Hochglanz poliert.  
Schaut ma auf d'Socha, nocha hat ma lang a Freud und s'Zeug bleibt schian,  
und iatz weara mar no a Scheiba ausm Fuier tian.

**Fam Pfeifer Karl Brigitte / Gurnau 142c**

Es gibt so Socha, da learnt ma nia aus,  
so manches Hobby, da kennscht di nia aus.  
Die Brigitte tuat mola, und deas kann sie guat,  
und trotzdem so mancher Kurs ihra sicher wohl tuat.  
Bis nach Zell am See kann ma darfroga,  
tuat die dein Hobby in die Weite troga.  
An guate Schwung aufm Pinsel, und a guats Aug darzua,  
iatz fliagt a Scheiba für die und in Karl übern Ruan.

**Pfeifer Martin / Gurnau 142c**

Viel Gschick braucht dar Martin, wenn er seim Hobby nachgeaht,  
so manche Minute er auf seim Trial drauf steaht.  
Da muas ma balanciera und ganz genau schaua,  
sinscht kannts die decht amol vum Bike ocha haua.  
Aber umweltbewusst muas deas ganze schua sein,  
drum fahrt dar Martin a E-Trial fein.  
Über Stock und über Stein,  
dia Schiaba für die set die weiteste sein.

**Pekar Manfred und Sabine / Gurnau 144/Top 1**

In der Corona Zeit hat so mancher a nuis Hobby probiert,  
dar Manfred seid nuieschtem an Haufa Kuacha verziert.  
Wobei, Hobby isch da schua fascht dar falsche Begriff,  
wia an Konditor gibt er deana Torten in letschta Schliff.  
Nur so neababei,  
bei am Kuacha sein miar Fuierwehrlar alli dabei.  
Gutes Gelingen und allzeit gutes Backen,  
und iatz heard man o a Scheiba aufm Brett drauf knacka.

**Sailer Gerhard & Brigitte / Gurnau 144/Top 2**

Die Gesundheit isch das wichtigschte Guat deas ma hoba kann,  
deas woas mittlerweile an jedermann.  
Erscht wenn amol eppas nit so funktioniert woas ma genau,  
iatz muas i langsam tian, und da schau i drauf.  
Dar Gerhard hats am Hearza gmekrt im letschta Jahr,  
miar hoffa, iatz isch alle wieder klar.  
Zur Genesung schicka mar a Scheiba,  
und hoffa, dass alle in der Familie gsund bleiba.

**Müller Barbara / Gurnau 145**

Ganz nui auf insra Lischta drau,  
da knall mar glei an Böller drau.  
Die Barbara hat sich in Gurnau niederglot,  
miar kenna sogä, dass ma da nuit falsch gmocht hat.  
A feins Dearfli und nette Leit,  
da hosch sicher a guate Freid.  
Herzlich willkommen miar hoffa es gfallt dir bei ins,  
dia Scheiba für di set fliaga bis auf Grins.

**Fam Carpentari Jürgen Sonja / Gurnau 117c/Top 3**

Aktiv und sportlich sein sie sall muass ma ihnen lossa,  
do tian sogor älteri davor verblossa.  
Mit den Schi schnell aufs Gratli, deas geht grad nebazua  
Deas kehrt sicher zu seinm Trainig darzua.  
Ober z'viel Kroft will er ou numma verbrenna,  
drum lot er als Fussballtrainer lieber die Jüngerä renna.  
Auf den Krahberg zur Schihütte geht er's mit'm Radla on,  
ober - faohrt er iatz mit Strom, daß er doba leichter a Bierla heba kann.  
Fit und vor ollem in der Natur tian miar begriassa,  
und d'r für enk ou a Raketa auchischiassa.

**Carpentari Laura / Gurnau 117c/Top 3**

Als nächstes hom mar jz die Laura auf der Liste stian,  
da lass mar iats glei a Rakeita in Himmel au gian.  
Damit dia mar zur bestandenen Führerschein Prüfung gratuliera,  
ab iats muasch hollt du deine Eltern chauffiera.  
Dia 18 Jahr Taxi muasch iats einarbeiten - des isch wia verfluacht,  
vielleicht hosch dr deswegen dein Freund soweit auswärts gsuacht??!!  
Hoffentlich losch die decht olli wieder in Gurnau onschaua,  
Die Scheiba wear mar jz nou weit ausa haa.

**Fam Carpentari Reinhard Eva / Gurnau 117e**

„In die Jahre gekommen“, deas kann ma nit lei beim Reinhard sogä,  
o sei Haus hat amal a kluans Make-Over vertroga.  
Spaß beiseite, dar Reinhard schaut aus wia an junga Bua,  
und wia olli schaut er guat zu seim Haus darzua.  
A nuie Küche, deas wars im dar Weart,  
Und o die olta Fenstra hoba in Reinhard gsteart.  
Bei dar Gemeinderatswahl, da war dar Reini natürlich wieder auf dar Lischta doba,  
für die Orbeit miasa mar die sowieso loba.  
Schu lang tretasch du für Graf und Gurnau in,  
für insre Ortsteile isch deas sicherlich an Gewinn.  
A Raketa für die, dia hosch verdiant,  
un an Fuierwehrlar iatz no an Bock mit ara Scheiba bediant.

**Carpentari Lukas / Gurnau 117e**

Fein dunkt's den Lukas in seiner Wohnung in Innsbrugg dunta,  
mit seinem Studium, Nebenjob und Freundin hat er gnuag zum uma huntna.  
Seit letztem Jahr allerdings hat er's bissli ruhiger dahuam,  
ohne Freundin isch er decht glei a Stuck mia alluan.  
Seine Freundin hat sich denkt sie tuat iatz umdisponiera,  
und hat kurzerhand den Beruf im Reisebüro tauscht gegen studiera.  
Wenn er nocha nimmer der uanzige Akademiker im Hause isch, isch sicherlich  
guat,  
sinsch war er no schwar gwoara zum bremsa mit seim Übermuat.  
Mir hoffa des mit enk zwoa tuat trotzdem weiterhin harmoniera,  
und lassa a Scheiba no weit außi marschiera.

**Fam Carpentari Reinhard Marlies / Gurnau 117c/Top 1**

Beim Reinhard und bei dr Marlies isch alli schwar dichta,  
weil da woäß ma nia viel zum berichta.

Man sieht enk nu manchmal um S` Haus umma flitza,  
oder beim vorbeifahra im Auto drinn sitza.

Mir hoffa eas seids gsund und enk geats guat,  
da dafür hohl mar enk a schiane Scheiba aus der Gluat.

Damit es enk des Jahr a bissli mia lassatz anschaua,  
tia mar enk a Scheiba weit auða haua.

**Fam Kurz Julia Alexander / Gurnau 117c/Top 2**

Bei enk tuat kaum a Jahr uma gian,  
Hobat´ s schua wieder a nuis Auto in der Einfahrt stian.  
Seit kurzem sicht ma die Julia mit ma mort´ s Audi uma fohra,  
zumindest bei der Vignette kennta´ s huira spora.  
Sie tuat jo geara bei den Gewinnspielen mit mocha,  
tatsächlich hom mar sie gseicha als Gewinnerin auf Instagram locha.  
Die Orange Vignette passt dem weißen Audi sicher guat,  
jz houl mar enkr Scheiba no tief aus der Gluat.

**Wilhelm Karin / Gurnau 142a**

Wenn ma s´ganz Johr arbeitet und seine Pflichta nachgeht,  
isch as nu recht, wenn im Summer an Urlaub ansteht.  
Die Auswahl isch groß, aber in Zeiten von Corona gehts nit alli soweit,  
mitten in Europa, steht da deas schiana Kroatien bereit.  
Und fürn Urlaub zwischendurch muas as nit ganz soweit gahn,  
da ischas o am Pitztaler Gletscher schian.  
Beim Opening sein olli an haufa Leit,  
zum ratscha und feira isch da an jeder bereit.

**Wilhelm Kevin / Gurnau 142a**

Im Bundesheer isch nit jeder geara,  
trotzdem kann ma olli wieder anders heara.  
Zum Beispiel dar Kevin, der hat sich für länger verpflichtet,  
vu ara Ausbildung zum Unteroffizier wird da berichtet.  
Deas isch sicher nit uanfach und ma muaß sich recht anstrenga,  
und sich jeden Tag aufs nuie in dia Uniform icha zwenga.  
Miar winscha viel Erfolg, und tian a Scheiba auða transportiera,  
Und alle zam für die salutiera.

**Pfisterer Dieter Christine / Gurnau 139a**

Der Dieter isch Jahr und Tag fleissig am Weg mit seim Radl,  
da wiss mar dass es guat isch für die Wadl.  
Ob es Huiru wieder amal a E-Bike WM geaba weard,  
mal schaua was ma von dem asso heard.  
Der Christine weards ou amal gleich sein wenn fleissig am Weg bisch,  
hauptsach am Abend hocksch wieder dahuam am Tisch.  
Mir wünsch enk für's nuie Jähr lei s'Allerbest,  
und haua dia Scheiba ausi ganz fest.

**Pfisterer Peter / Gurnau 144**

Dr Pete kimmt uma wias falsche Geld,  
ihn kriagt ma zum seicha auf der gonza Welt.  
Ma sicht ihn bei die Moto GP Renna auf dr Tribüne stia,  
aber ou in Fließ tuat er nit ungeara Poltern gia.  
Und falls ihm decht amol Langweilig weart,  
er geara beim Mooser auf dr Öd zua keart.  
Ab und zua isch er nocha decht amol auf dr Arbeit zum finda,  
Da tuat er olli glei in seim LKW verschwinda.  
Dir hoba sie letztes Johr an nagel nuia LKW kouft,  
des isch sicher feiner als wenn ma olli im Gelände uma louft.  
Ma muass im Älter hollt decht auf sich schaua,  
Iatz wear mar die Scheiba nou weit ausa haua.

**Fam Haag Sabine u. Peter / Gurnau 117a**

Peter uans tia mir nit gonz verstiah  
wie komme bei 25 Grad im August mit Helm und Jagga im Garta stiah.  
Mit 'm Helm auf kann dr beim Rosamaha nit viel passiera  
mir zoga drs Foto nocha beim Kassiera.  
Hin und wieder braucht jeder was zum Locha  
dafür lassa mir iatz an Böller krocha.

**Haag Thomas / Gurnau 117a**

Dr Thomas fangt im Frühjahr an zum Studiera,  
Wirtschaftsrecht solls sei, da tian mir ihm schua mal gratuliera.  
Sportlich isch er ou immer viel am Riess,  
mit da Pianner Fußball spiela macht a Gaudi sall isch gwieß.  
Viel Erfolg und nur` s aller best,  
so fliegt die Scheiba außa ganz fescht.

**Haag Mathias / Gurnau 117a**

Dr Mathias isch sportlich viel am Weig,  
so isch er nit viel dahuam des isch für ins bleid.  
Sein fußballerisches Können stellt er in Zams unter Beweis,  
wie mir so hören mit sehr viel Fleiß.  
In der Tiroler Liga gibsch sicher 100 Prozent  
so fliegt für die itaz a Scheiba , die im Nochtimmel sagrisch brennt.

**Haslacher Andreas & Verena / Gurnau 117 Top2**

Die Verena und dar Andreas, dia zwoa sein a nettes Paar, und trotzdem ischas  
schwar zum dichta,  
miar kenna halt uanfach nit viele Gschichta.  
Aber den wichtigschta Termin vum letschta Johr, dean wissa miar genau,  
denn seitm Summer 2021 sein dia zwoa Mann und Frau.  
So a Ereignis muas ma kräftig feira und miar winscha alles Guat,  
und hola darzua nit lei a Scheiba aus dar Gluat.  
Ou a Raketa shiaßa mar aucha ganz schnell,  
dia sell am Himmel leuchta bunt und hell.

**Schimpfössl Sarah Jehle Florian / Gurnau 117 Top3**

Die Sarah und dar Florian, bei deana gibt's eppas bsundrigs zum schaua,  
wenn da nächnar kimmsch, kannsch deine Ouga kaum traua.  
A Christkind-Standli , wia aufm Weihnachtsmarkt steahrt da,  
da knalla mar glei an Böller durcha.  
Vielleicht kann ma da ja an Glühwein trinka beim vorbei loufa?  
Oder gibt's da vielleicht schiane Socha zum koufa?  
Dia Idee finda mar wunderbar,  
und joga no a Scheib durcha.

**Fam Schütz Erwin Christine / Gurnau 146/Top 1**

Der Erwin isch allaweil fleissig beim Figura mocha,  
dabei entstian die allerschianschta Socha.  
Vom Engel bis zum Löwen isch da alles mit dabei,  
ob kluan oder groass isch deas allerlei.  
Mir hoffa die Christine muass da nit hinta nach aufrauma,  
und zum Schluss die Jana und die Sofia beim Huam keama versauma.  
Mir hoffa mir seacha enk mit enkere Radla wieder amal,  
und schicka enk für Huira a schiane Scheiba bis ins Tal.

**Fam Schütz Manuel Regina / Gurnau 146/Top 2**

Was isch aus deam Altmüll-Lager gwoara?  
Hoba sich die Chinesa gegan Manuel verschwoara?  
Damit sich da nit jeder uanfach so bediana kann,  
muss rund um deas Haus an nuia Zaun dran.  
So ischas sicher und o schian,  
deas kann an jeder Mann vestiahn.  
A Scheiba für die Regina und in Manuel iatz pfeift,  
und hoffentlich dunta übern Bach drüber schleift.

**Fam Senn Werner Brigitte / Gurnau 117b/Top 2**

Dia Scheiba tia mar weit auða schiaða,  
und glei zwoa Pensionischta herzli begriaða.  
Di Brigitte braucht si numma dereiða,  
und Familienorbeit neba dem Unterricht schmeiða.  
Iatz kann si sich selber intoala dia Tog,  
numma lei funktioniara, sondern Socha mocha, dia si grad gera mog.  
A Bergtour mit'm Werner oder a Runde mit'm Radla,  
oder an Kurzurlaub mit Freunden oder ihra Madla.  
Den Böller loss mar iatz no gonz laut knolla,  
viel Sunna sell des Johr auf enkern Lebensweg folla.

**Fam Senn Arnold Ursula / Gurnau 117d**

Die Ursula und der Arnold sein ou numma viel umma,  
ober im Summer heart ma decht ob und zua amol den Porsche brumma.  
Mit dem Flitzer wears sie öfter amol ob-haua  
Und im Unterlond bei da Enkala vorbeischaua.  
Auf Gsundheit schaua und deas gonz fescht  
Dazu winscha miar enk nou s'ollerberscht.  
Iatz mocha miar ou nou an Radau  
Und lossa an onständiga Schuss obendrau.

**Seidlböck Florian & Anna / Gurnau 116/Top 1**

Corona, deas isch halt decht für jeden a Thema,  
so mancher hat sich für sei Leaba überlegt a nuis Schema.  
Die Anna hat kurzer Hand Online-Fitness-Kurse abgholta,  
da hosch lei miasa dein Laptop inscholta.  
Und wenna dar als Teilnehmer z'viel gwoara isch,  
war dar Laptop kurzer Hand vom Tisch.  
Mit 3 Hund hosch sicherlich viel zum tian,  
da muasch halt decht oft die Runde giahn.  
O deas haltet gsund und fit,  
zur Scheiba schiaßa mar no an Böller mit.

**Fam Plattner Wolfgang Angelika / Graf 118**

Iatz wella mar zearscht dr Angelika zum runda Geburtstag gratuliera  
und ihr a schiane Raketa spendiera.  
Von April bis Oktober sei die Plattner fascht numma im Land  
relaxe in Italien im Gardaland.  
Weinli trinka und am Strand promeniera  
da wearet's bold amol den Hauptwohnsicht bei ins verlierera.  
An Sprachtescht auf Italienisch wera mar bold amol mit enk mocha  
an Böller lossa mar auf jedenfall no krocha.

**Plattner Christian / Graf 118**

Als nächstes isch inser Finanz Minister dron,  
er isch als Kassier der beste Man.  
Ou die Proben tuat er olli mit ins gian,  
dabei sicht ma ihn mitm Atemschutz im Einsatz stian.  
Aber er isch nit lei bei der FF an fleißiger Man,  
Bei der Arbeit isch er olli vorne dran.  
Drum hoba sie die jz einem neuen Projekt zuteilt,  
Da hosch neben der Technischen Umsetzung ou glei die Finanzen anpeilt.  
Mir hoffa dass ou da alles im grünen bleibt,  
jz nou a Rakeita für die in Himmel steigt.

**Plattner Kathrin / Graf 118**

Die Kathrin hat im Winter für sich a nuie Sportart gfunda,  
bei der sie verbringt so einige Stunda.  
Ma sicht sie seit nui´m Langloufa gian.  
Isch gor nit sou uanfoch auf dena dünna Skila stian.  
Aber damit losst sich richtig Kondition trainiera,  
des tuasch du nocha aufm Radl forciera.  
Du hosch dir nämlich nou a super E - Bike kouft,  
Womit ou im Summer des Training super louft.  
In dem Fall konnsch du huira mitm Radl bis zum Gardasee fohra,  
da lasst sich einiges an Spritgeld spora.  
Des Geld konnsch decht im Urlaub für was Besseres aus geiba,  
iatz wear mar die Scheiba nou weit aus heiba.

**Fam Kobler Gerald & Gabriele / Graf 127/1**

Olli von der Farm vom Gerald kenn miar nit schreiba,  
drum tian miar desmol bei der Gabriele bleiba.  
D'Gabi tuat nit nu toll massiera,  
sondern ou gonz gera telefoniera.  
Und so isch es holt amol passiert,  
dass sie grad mit einer Bekonnta telefoniert.  
Und während dem Gespräch hot sie derzählt,  
sie hot ihr Handy vergessa oder verlegt.  
Die Bekonnte hat des natürlich überrissa und isch schlau  
Und frogt, holtest dein Handy nit grad auf dein Ohr drau.  
Iatz loassa miar nou a Raketa marschiera,  
daß du numma muasch s'handy sucha während dem telefoniera.

**Perktold Michael / Graf 127/1**

Mir sein schua soweit,  
mir hoffen Michael du bisch bereit.  
Beim Streng tuach fescht haggeln  
und mit dem LKW umakrateln.  
Mir kenna dir schua gratuliera zum Disponent  
und hoffa natürlich, dass der Lada noch rennt.  
Von der Lena verwöhna lassa, deis war schian,  
aber i gloab auf der Kur, weara sie dies schu tian.  
Michael du armer Bua,  
mitm Kreizleida bisch nit alluan.  
Vom Kreizleida kenna ma alle berichtata,  
mit ganz viele Gschichta.  
So iatz lass mas eppa bleiba  
und tian a Scheiba weit aussu treiba.

**Larcher Thomas & Manuela / Graf / 126A**

Auserheart  
die Scheiba hot im Larcher Thomas und dr Manuela keart.  
Mir wisse nit Bsunders von enk zum schreiba,  
trotzdem tia miar enk die Scheiba weit außatreiba.  
Stellt's huira ruhig Jahr eppas an  
so dass mars negscht Jahr eppas davon dr' zähla kann.

**Fam Schlatter Harald Melli / Graf 121/Top 2**

Zum Harry gibt's ou wieder die uan oder andere Gschicht,  
Somit leig mar los mit inserem Bericht.  
Des Bautage Buch isch voll und gefüllt ganz prall,  
baut hosch dermal a Carport zwischen Haus und Stall.  
Eigentlich wollt er damit ja zeitnah fertig weara,  
Dia 6 Monat Bauzeit kann er sich selber nit ganz erklära.  
Wie auch immer - Hauptsach die Auto's sein jz unter Dach,  
damit keima mar ou schua zur nächsten Sach.  
Du hosch dr huira an nuia Traktor kouft,  
der leider wie der alte nit wirklich Rund louft.  
Ma sicht die öfter's um Ersatzteile fohra,  
somit konnsch zumindest mit'm Mengenrabatt spora.  
Die Melli will dazua nit viel sogu,  
ma sicht sie lei da gonza Winter die Skipista oa joga.  
Hoffentlich startet's ou in des Jahr wieder mit viel Elan,  
Enkr Scheiba hau mar nou weit oa - des war der Plan.

**Fam Schlatter Engelbert Stefanie / Graf 121/Top 1**

Huira tian miar z'earsch bei der Stefanie bleiben  
Weil da miassa miar ou glei an Böller onreiba.  
Weil zum a runda Geburtstog gratuliera stelle miar ins on  
Weil dia muass ma feiera, so fescht ma kann.  
Longlaufschi und ou Schneeschuach sei im Winter ihr Utensil  
Do bleibt ma gesund und long agil.

**Fam Nöbl Hannes Petra / Muntlix**

Die nächste Scheiba hat dem Hannes keart,  
ua Sprichli bisch ins olli weart.  
Den Kontakt nach Landeck hosch du nia abreissen glatt,  
guat dass ma olli was zum feira hat.  
Egal ob Geburtstag oder Poltern - zum Feiern gibt's viel,  
sinsch holt zumindest a Fuassball Spiel.  
Enk hat ma gseicha in Augsburg auf der Tribüne stia,  
lei das Ergebnis kennt vermutlich kuanr mia.  
Wie auch immer - a bissl a Spaß muass sei,  
Hoffentlich schusch ou wieder mal beim Scheibaschloga in Gurnau vorbei.  
Mir hoffa es kennat's ou huira wieder an Ausflug woga,  
Mir wera jz nou a Rakeita in Himmel au joga.

**Mangott Silvia Schneider Joachim / Graf 129b/Top 1**

Vom Joachim und der Silvia kenn ma nit nis berichta,  
obwohl es gab sicher a paar Gschichta.  
Lei zum secha kraigt ma enk nia,  
fürs Scheibaschloga isch des nit so schian.  
Was weards es wohl des gonz Jahr tian,  
da miass ma holt auf negschts Jahr hoffa,  
dass ma sich vielleicht amol übern Weg tuat loafa!

**Moschen Anni / Graf 129/1**

Dia Scheiba dia mir iatz toll Schwinga,  
soll dar Anni viel Glück und Gesundheit bringa.  
Für`s Nuie Jahr nur s' allerbest,  
so soll no a Rakete steigen ganz fest.

**Fam Ruetz Markus Christine / Graf 125/Top 2**

Unglück kommt selten alluan, deas Sprichwort kennt an jedar Mann,  
und so kimmts, dass ma sich da drauf ou verlossa kann.

Die Christine isch mitm Auto rückwärts auf a Laterne drauf,  
da denkt sich da Markus, ja pass holt besser auf.

O Wocha spater war im Markus beim Ausparka a Mauer im Weg,  
und schua war an Teil vum Auto a bissli schräg.

Selche Parkschäda passieren jedem da mochats kuan Denk,  
so eppas passiert wirklich nit lei enk.

Aber weils in so kurzer Zeit grad beada passiert,  
iatz a Scheiba weit ausa marschieret.

**Ruetz Lea / Graf 125/Top 2**

An jeder kennts, und kann sich erinnra,  
am liabschta sitz ma schua mit 14 in am Auto dinna.

Aber irgendwann ischas nocha soweit,  
ma hat da Führerschein und kann fohra ganz weit.

Die Lea fohrt iatz alluan bis auf Kappl hoba mar keart,  
isch deas dean weita Weg überhaupt dar Wert?

Spaß bei Seite, allzeit guate Fahrt,  
iatz schiaßa mar no a Scheiba durcho.

**Ruetz Jakob / Graf 126/Top 5**

Des mit de koufta Fisch kann ma ja vergessa,  
drum geht dar Jakob iatz selber fischa sei Mittagessa.

In Jakob sieht ma in seiner Wohnung nur wenn er pennt,  
Weil er isch überall dabei wenn's wo brennt.

Bei der Rettung isch er o sehr engagiert,  
und mit da Touraski hat er schua so manchen Gipfel ausprobiert.

Für sei Katz war dadurch leider wenig Zeit,  
so macht sie iatz hoffentlich deem Papa a Freit.

Dass dein Stress nit wird zu viel,  
haua mir dir iatz a Scheiba ausi mit unserem Stiel.

**Ruetz Johannes / Graf 125/Top 2**

Am Johannes tia mar als erstes zum Bachelor gratuliera,  
Und tia dar dafür a Rakete spendiera.  
An top moderna Job hasch o schua gfounda,  
In dr Ematric hasch die Leit von heit mit dar Zukunft von morgen verbunda.  
Mit ma regelmäßiga Einkommen lasst sich's guat leiba,  
So hat's für die in Zams glei a neue Wohnadresse geiba.  
Dass dir im neuen Jahr o alles gut gelingt,  
A Scheiba im Nachthimmel verglimmt.

**Kathrein Anni / Graf 129a/Top 2**

Für D` Anni lass mar die Scheiba iatz weit ausi singa,  
sie soll dr Gesundheit, Glück und Freude bringa.  
Für`s kommende Jahr nur das best,  
der Böller muas krachen und zwar fescht.

**Fam Thurner Udo, Evelin / Graf 125/Top 6**

Dr Udo tuat allo mia Radlaweg erkunda  
und hot ou tolle Wegla gfounda.  
Er tuat auf sei Auto an Radlaträger montiera,  
so konnsch deas E-Bike überall mitfahra.  
Mit'm Befeschtiga nimmt er's holt nit so ernst, und so isch s-Radli gfloga  
auf Paznauner Straß im hochs Boga.  
Mir hoffe es war nit ollzuviel zum Repariera  
mir lossa enk auf jeden Fall a Raketa gen Himmel marschiera.

**Thurner Tobias / Graf**

Dr Tobi hat sich nit viel docht  
und hat an schiana Schitag in Galtür verbracht.  
Sie hoba viel glacht  
und sein gfohra bis die Schi hoba kracht.  
Du hasch da an schiena Schitag gmacht,  
beim einpocka hasch da aber nit viel docht!  
Dahuam muasch des Auto ausloda  
und den gonza Schikram vertroga!  
Do hosch di nit miassa fescht ploga,  
weil koane Schi dogwesasein zum Vertroga.  
Dia stiahn in Galtür des wor glei klar.  
Du bisch glei eini zum Schaua,  
deine Schi wora nimmer da!  
Iatz tua di nit ärgern, des isch es nit dawearnt,  
vu ins kriagsch an Böller,  
den ma ouno in Galtür heart.

**FA HW Bau Graf / Graf**

Auf dia Scheiba lossa miar nou a Raketa drau  
weil HW Bau isch inser Firma z'Grof und Gurnau für' n Bau  
Geba tuat's do ollerhond  
Vom Zement bis zum Eisa und ou an Sond.  
Corona her, Corona hin  
Die Bauwirtschaft geacht trotzdem flott dahin.  
Iatz lossa miar ou nou a Raketa singa,  
dia sett enk huira ou a guat's Gschäft in-bringa.

**FA Wille Harald / Graf**

Wie ma sieht, tuat d'Bauwirtschaft richtig floriera,  
do weara vom Harry seine oranga Auto viel Zement miassa fiahra.  
Dass die schwara LKW nit nu sein für a Männerhond,  
weil da fohrt nämlich ou sein Tochter damit ummanond.  
40 Tonnen chauffiert die Hannah mit Leichtigkeit  
Übern Fernpass und ou tirolweit.  
Dazua winsche miar olla Fohrta unfaollfrei,  
weil dr'für isch ou nou a Raketa dr'bei .

**FA Getränke Wille / Graf**

Dia Scheiba isch aussì, weit und schian  
iatz bleiba miar ba da Getränke Wille stiahn.  
Des isch für d'Fiurwehr nämlich gonz fein,  
er deckt inser Fiurwehrrhalle mit Getränke ein.  
Geba tuats bam Getränke Wille so ziemlich olls,  
wos flüssig isch und passt in an Hols.  
A Rakete tian miar ou nou aujoga,  
und für sein Spende iatz schuan donkschian sogà.

**FA Foodfactory / Graf**

Dank Corona hats bei enk an Aufschwung geiba,  
so kann ma von Pizza und Burger ganz guat leiba.  
Lei wars alte Lokal auf die Dauer zu klein,  
doch in der ehemaligen Sports- Bar isch es hoffentlich ganz fein.  
Deine Pizzas sein bei uns alla sehr bekannt,  
Gott sei Dank liefertsch ou zu uns ausi ins Land.  
Für enk lass mar no an Böller laut krocha,  
auf` s neue Lokal nur die besten Socha.

**Autohaus Zangerl / Graf**

Enkr Scheiba loss mar jz weit ausa fliaga,  
Im Autohaus Zangerl kann ma so einiges kriaga.  
Ob an Jeep oder an nagelneuer Hyundai,  
oder an Suzuki Jimny - es isch alles dabei.  
Von Reperaturen bis Service kann ma alles mocha,  
Die Leit fohra huam - im Gsicht a mort` s locha.  
Ou wenn insr FF Auto wieder mal liega bleibt,  
Glei an Mechaniker von enk aufsteigt.  
Danach wieder alles eiwandfrei funktioniert,  
iatz nou an Böller laut für enk explodiert.

**Horvarth Martha / Graf 128**

Dia Scheiba loss mar jz weit ausa gia,  
die Martha hom mar nit zum ersta mal auf dr Lista stia.  
85 isch sie huira gwoara,  
viel hosch von deiner Fitalität nou nit verloara.  
Vielleicht konnsch jo huira zum Scheibaschloga an Ausflug nach Gurnau woga,  
Und dabei dei Sunti Gwont aus troga.  
Mir hoffa du meistersch ou des Jahr wieder guat,  
Iatz houl mar nou dei Scheiba aus dr Gluat.

**Fam Horvarth Thomas Denisa / Graf 128a/Top 1**

Dr Thomas tuat sei politsche Parteilinie nit gonz verstiah  
weil wieso seit mar nit decht Impfa giah.  
Darauf hin ziecht er nocha sei blaus Leibali aus,  
mal schaua was nocha weard draus.  
Politisch engagiert so tian mar ihn kenna,  
tuat er wieder für die Gemeinderatswahla um Stimma renna.  
Dass dir tuat viel gelinga  
sell die Scheiba weit aussa schwinga.

**Fam Horvath Erich Elisabeth / Graf 128a/Top 2**

Dia negscht Scheiba isch aussu aus d'r Gluat,  
mir hoffa es geat dem Erich und der Elisabeth olli guat.  
Gsundheit winscha mir enk auf olle Fäll,  
und lossa ou nou a Raketa vor Stell.  
Mir Hoffa eas tiats ou im huiriga Jahr gsund bleiba,  
miar enk iatz enkere Scheiba richtig weit ausa treiba.

**Fam Berger Mario Christine / Graf 130**

Bei der Familie Berger weard viel glocht  
und mit da Kinder gibt's ab und zua an Kroch!  
Papa hin Mama her geat amol guat und manchmal schwer.  
Dass ma sich wieder guat versteat, tuats guat,  
wenn ma öfter aufn Berg au geat.  
Die Kinder tian mit Pfeil und Boga durch Graf durchmaschiera,  
da hoff mal lei, dass nix tuat passiera!  
Die Fuierwehr lasst die Scheiba weit aussu singa,  
sie sell enk fürs negschte Johr viel Glück und Gsundheit bringa!

**Sailer Christian & Patscheider Karin / Graf 130d**

Dar Christian isch viel mit seim Moped unterwegs,  
sicherlich hat die Karin da nit soviel dargegs.  
A BMW fahrt er in der Gegend umand,  
aber was mar sinscht no so mitkriagt hoba, dea isch ja allerhand.  
Silvester feira di meista gemeinsam darhuam,  
aber huiru war die Karin zum Jahreswechsel alluan.  
In Thailand hat dar Christian Raketa gschoßa,  
Hoffentlich hat d'Karin nit fescht verdrossa.  
Iatz schiaßa mia aber a Scheiba für'd Karin und in Christian,  
dass ma sie in Graf und Gurnau guat seacha kann.

**Fam Nitsche Kurdoglu Gerald Brigitte / Graf 135**

Zwischen Verni- und der Finnisage im Land  
der Gerald ist alle umanand.

"Kritzi - Kratzi" oder andere Bilder und Socha  
der Gerald tuat sogar "UpCycling Dose" mocha.

Auf solche Idee muasch erscht kema

Kunstobjekte aus m' Abfall, der Umweltschutz kann die als Vorbild nehma.

"Von Einst bis Jetzt" zum 80iger im letschta Jahr d' Fuirwehr gratuliert  
und dir und der Brigitte a schiane Raketa spendiert.

**Fam Maidel Wilfried & Ofelia Maria / Graf 130b/Top 4**

Den Willi sieht ma alle beim Leitung graba,  
und dabei muasch er Meterstab und Plan ummanander traga.

Wenn ma a Glasfaser oder a Gasleitung braucha kann,  
ist der Willi genau der richtige Mann.

Mir hoffa du hasch gnuag Zeit für Kinder und die Maria über,  
weil da sein mir ins sicher, dia gfreia sich darüber.

Auf dass eas enk huira hat ou wieder guat,  
hohl ma nou a schiane Scheiba aus der Gluat.

**Matt Annemarie / Graf 130c/Top 2**

Dia Scheiba tia ma weit außatreiba  
gesund sett d' Annemarie no long bleiba.

Die Annemarie ist alle fleißig am gian,  
ob`s Wetter schiach ist oder ou schian.

Mir hoffa es geat dir Huira ou wieder guat,  
und hohla dir dafür di schianschte Scheiba aus der Gluat.

**Matt Patrick / Graf 130c/Top 1**

Der Patrick ist a fleißiger Feuerwehrmann,  
er ist bei die Proben olli vorne dran.

Huira hosch du ou des Bundesheer genießa kenna,  
seit dem tuat dei Herz fürn Atemschutz brenna.

Du hosch da die Ausbildung zum Atemschutz Träger gmocht,  
und bei einigen Proben unter der Maske ausa glocht.

Iatz tatsch natürlich geara die Proben bei der FF mit gian,  
aber ohne Grundkurs derfsch lei daneben stian.

Des ganze ist für ins alle a morts gfrett,  
da hat ma endlich a motiviertes Mitglied kett...

Mir hoffa du konnsch bald den Grundkurs nach mocha,  
iatz loss ma nou an Böller laut für die krocha.

**FA Streng / Graf**

Die gelbe Auto, wie jeder weiß  
sei nur Firma Streng überall auf d'r Straße.  
Ob im ganzen Land oder z'Starkaboch  
gloda hoba si olli bis über's Dach.  
Ou für die Privata tuat si die Firma fescht ongaschiera  
Löcher grob und Eard verfiähra.  
An Böll'r lossa mir iatz nou krocha,  
daß die Bagger olli a guati Orbat mocha.

**FA Walch + Plangger / Graf 134**

Für die Firma lossa mir iatz die Scheiba singa,  
die sett enk schiana Auftrag bringa.  
Kanal und Wasserleitunga weara überall grob,  
d'r für muass man ollderings ou an guata Plan hoba.  
Dazua braucht man heit zu tog ober kuan Stress,  
weil Walch-Plangger isch dazua die erste Adress.  
Mit ihrer Erfahrung mocha sie tolli Socha,  
derfür lossa mir ou nou an Böller krocha.

**FA Paznauntaler / Graf**

Der Paznauntaler isch ollen sicher bekannt,  
die gelbe Busse fohren im ganzen Land.  
Die gelbe Garasch sieht ma schua von weit  
Und deas zu jeder Tageszeit.  
Viel Geschäft settats ou huira mocha  
D'rfür lossa mir ou nou an Böller krocha.

**FA Kogoj / Graf**

Da lossa mir glei a Raekata singa  
Die sett der Firma Kogoj viel Fahrtla bringa.  
Taxi, Kluani und große Busse stiahn bereit,  
für schiani Reisen, jo sogar europaweit.  
Coroni her, Corona hin,  
d'Leit mechtschua long wieder irgendwohin.  
Der Kogoj hot sicher olli an guata Tipp  
Für an sichera und schiana Trip.

**Schröcker Evelyn / Graf 132a**

Auserheart

die Scheiba hot dr Schröcker Evelin keart.

Mir wisse nit Bsunders von dir zum schreiba,  
trotzdem tia miar dir die Scheiba weit außatreiba.

Auf'n Hund bisch kema, hoba mar keart  
wer eppa mit dem Gassi geat?

Stell huira ruhig Johr eppas an

so dass mar s'negscht Johr eppas davon dr' zähla konn.

**FA Catering Schwarz / Graf**

Wer für sei Fescht will die leckersten Socha,  
der muas sich vom Catering Schwarz bekocha lossa.

Dein Ruaf muas eila dir voraus,

weil ma sieht die Kundschaft bei dir giah ein und aus.

A Resti im Schwimmbad Seefeld tuasch ou no betreiba  
Für des schloga mar weit ausi a brennente Scheiba.

Und an Böller lassa mar für die no krochen,  
für`s Jahr 22 nur die besten Sachen.

**Landw. Genossenschaft / Graf**

Bei der Genossenschaft in Graf griagt ma Allerhand zum koafa,  
und für dia guata Sacha miasst ma gar it bis auf Zams loafa.

Vom Rasenmäher bis zum Traktor isch da alles mit dabei,  
und sogar Werkzeug gibts da allerlei.

Und vor jedem ou nou sou kluana Kauf,  
gibts a top Beratung oba drauf.

A guats Geschäft winsch mar enk nou dazua,  
und jaga dia Scheiba achi über den ganza Ruan.

**Dr. Thomas Jehle / Graf**

Vor`m Zahnarzt hoba die meisten Leit a heida Angst des isch bekannt,  
doch dein guater Ruaf geht quer durchs Land.

In Graf tuat er iatz schua seit a paar Jahr die Schmerzen lindern,  
trotz Corona und Lockdown wird ihn ou weiterhin nix dran hindern.

Dass die Praxis ou weiterhin louft ganz guat,  
holla mar die schianste Scheiba aus dar Gluat.

**Fam Schröcker Hermann & Frida / Graf 132a**

An Haufa Schneeglöckla auf dr Maura vorm Haus  
deas verdient amol an kluana Applaus.  
Dr Hermann geat öfters in Grins mit dr Frieda spaziera,  
aber er tuat glei amol auf ama Bankla sunna und Gegend inspiziera.  
D'Fuirwehr wünscht enk Gsundheit und a guate Zeit  
die Scheiba fliegt iatz außa für enk gonz weit.

**Fam Hotz Martin & Maggi / Graf 132b/Top 5**

Den Martin und di Maggi haba mar letschtes Jahr wieder gseacha beim  
Wohnwaga herrichta,  
da gibts sicher alli gnuag vom Urlaub zum berichta.  
Mir wissa zwar nit wo eas hin gfahra seids,  
aber gsund zrug keama seits amal bereits.  
An Urlaub mit soviel Kinder macht sicher viel Spass,  
dass ma schnell ans Ziel kimmt, gibt ma geara viel Gas.  
Mir hoffa eas sits heint auf a Kaaskiachla vorbei keama,  
und miar kenna enk nou mit am guata Glühwein verwöhna.  
iatz schau mar dass alle tian gscheit gsund bleiba,  
und mir tian enk dafür a Scheiba weit aussa treiba.

**Hotz Beate / Graf 132d/Top 1**

D'Beate hot alli eppas zum tian  
und nit lei in der Bank bei der Kunda umastiahn.  
Darhuam betreut sie a großes Haus  
und da gian ou no Gäst ein und aus.  
Dass deas alles weiterhin tuat dr gelinga  
tia mar iatz dir no a Scheiba weit ocha schwinga.

**Fam Hotz Oskar Edith / Graf 132e**

Mit dera schiana Scheiba  
wella mir beim Oskar und bei dr Edith bleiba.  
Iatz hoff mar eas bleibats gsund und munter,  
weil nacha isch Leba glei viel schianer und bunter.  
A Raketa lossa mir iatz no i n Himmel aucha,  
viel Glück und Gsundheit konn ma alli braucha.